

Datganiad o Fwriad ar gyfer ECO4

Datganiad o Fwriad Cymhwysedd Hyblyg ECO4 Cyngor Bro Morgannwg

Enw'r Awdurdod Lleol: Cyngor Bro Morgannwg

Dyddiad Cyhoeddi: 19/05/2023

Rhif y fersiwn: F.03

Cyhoeddi ar y wefan: www.valeofglamorgan.gov.uk

Mae'r datganiad hwn yn amlinellu Meini prawf cymhwysedd hyblyg Cyngor Bro Morgannwg ar gyfer cynllun Rhwymedigaeth Cwmni Ynni (ECO4) o fis Ebrill 2022 - Mawrth 2026.

Bydd cynllun ECO4 yn canolbwyntio ar roi cymorth i aelwydydd incwm isel ac agored i niwed. Bydd y cynllun yn gwella'r cartrefi lleiaf ynni-effeithlon ac yn helpu i gyflawni ymrwymadau tloidi tanwydd a sero net Llywodraeth y DU.

"ECO4 Hyblyg" yw enw dull hyblyg Awdurdodau Lleol o adnabod aelwydydd tlawd yn nhermau tanwydd ac aelwydydd sy'n agored i niwed, fyddai'n cael budd o fesurau arbed gwres ac ynni.

Mae'r Cyngor yn croesawu llwybrau cymhwysedd ECO4 Hyblyg gan eu bod yn helpu'r Cyngor gyda'i gynlluniau i wella cartrefi'r rhai sydd mewn tloidi tanwydd neu mewn perygl oherwydd yr oerfel.

Mae'r Cyngor yn cyhoeddi'r Datganiad o Fwriad hwn (DoF), ar y **19/05/2023** i gadarnhau y bydd pob un o'r cartrefi a gaiff eu datgan yn ateb gofynion o leiaf un o'r pedwar llwybr sydd ar gael isod:

Llwybr 1:Tai Bandiau D-G y Weithdrefn Asesu Safonol lle mae'r perchennog yn byw yn yr eiddo a Thai E-G yn y sector rhent preifat sydd ag incwm llai na £31,000. Nid yw maint, cyfansoddiad na rhanbarth yr eiddo yn effeithio ar y cap.

Llwybr 2:Tai Bandiau E-G y Weithdrefn Asesu Safonol lle mae'r perchennog yn byw yn yr eiddo ac aelwydydd y sector rhent preifat sy'n bodloni cyfuniad o'r is-feini prawf canlynol:

Is-faen prawf 1) Cartrefi yn Lloegr mewn Ardal Allbwn Uwch haen is 1-3 (LSOA); ¹ neu gartrefi mewn LSOA 1-3 ar Fynegai Cymru Amddifadedd Lluosog 2019; ² neu'r Mynegai Amddifadedd Lluosog ar gyfer 2020 a gyhoeddwyd gan Lywodraeth yr Alban ³
Is-faen prawf 2) Deiliaid tai sy'n cael gostyngiad yn y Dreth Gyngor (ar sail incwm isel yn unig).
Is-faen prawf 3) Deiliaid tai mewn perygl o fyw mewn cartref oer fel y nodwyd yng Nghanllawiau'r Sefydliad Cenedlaethol dros Ragoriaeth mewn Iechyd a Gofal (NICE). Dim ond un o'r rhestr y gellir ei ddefnyddio, ac eithrir yr is-faen prawf 'incwm isel'.
Is-faen prawf 4) Deiliad tŷ sy'n cael prydau ysgol am ddim oherwydd incwm isel.
Is-faen prawf 5) Deiliad tŷ sy'n cael cymorth drwy gynllun ALL i roi cymorth i aelwydydd incwm isel ac agored i niwed at ddibenion Canllaw NICE, a hynny'n glir yn yr enw a'r disgrifiad.
Is-faen prawf 6) Aelwyd wedi'i gyfeirio at yr Awdurdod Lleol gan y cyflenwr ynni neu Gyngor ar Bopeth neu Gyngor ar Bopeth yr Alban, oherwydd eu bod yn cael trafferth talu eu biliau trydan a nwy.

*Sylwch na ellir defnyddio is-feini prawf 1 a 3 gyda'i gilydd.

** Na chymysgwch hyn â pholisïau Llywodraeth Cymru i gynnig prydau ysgol am ddim i bob plentyn ysgol

Llwybr 3: Mae'r llwybr yn berthnasol i dai bandiau D-G SAP lle mae'r perchennog yn byw yn yr eiddo, neu dai bandiau E-G yn achos y sector rhent preifat. I ddilyn y llwybr hwn, rhaid bod yr eiddo wedi'i nodi'n agored i niwed gan berson cofrestredig ar y Gofrestr Meddygon Teulu, Bwrdd Iechyd yng Nghymru, Ymddiriedolaeth Sefydledig GIG, neu Ymddiriedolaeth GIG. Rhaid hefyd iddyn nhw nodi y gallai cyflwr iechyd rhywun waethygu oherwydd oerfel yn y cartref. Gall y cyflyrau iechyd hyn fod yn gardiofasgwlaidd, yn anadlol, yn imiwnoataliedig, neu'n gysylltiedig â symudedd cyfyngedig.

Llwybr 4: Tai bandiau D-G y Weithdrefn Asesu Safonol lle mae'r perchennog yn byw ynddo, a thai E-G yn achos eiddo rhent preifat, sy'n cael atgyfeiriad dan Llwybr 4: Targedu Pwrpasol. Gall cyflenwyr ac ALLau gyflwyno cais i'r adran Diogelwch Ynni a Sero Net os ydyn nhw wedi adnabod aelwyd incwm isel ac agored i niwed heb gymhwysedd i ddilyn y llwybrau eraill.

1

https://assets.publishing.service.gov.uk/government/uploads/system/uploads/attachment_data/file/835115/IOD2019_Statistical_Release.pdf

² <https://www.llyw.cymru/mynegai-amddifadedd-lluosog-cymru-diweddariad-llawn-ir-mynegai-gyda-graddfeydd-2019>

Datganiad a chadarnhad gwirio tystiolaeth

Dylai pob aelwyd a allai fod yn gymwys wneud cais drwy Gyngor **XXXXXX** neu un o'u gosodwyr Rhwymedigaeth Cwmni Ynni cymeradwy i sicrhau y gall naill ai elwa o'r cynllun neu gael ei hasesu i weld a yw'n gymwys dan unrhyw raglen berthnasol arall.

Bydd y swyddog isod yn gyfrifol am wirio a dilysu datganiadau a'r dystiolaeth gysylltiedig a gyflwynir ar ran yr awdurdod lleol:

Enw: Eleri Nicholas

Teitl y Swydd: Swyddog Datblygu Eiddo Gwag

Rhif Ffôn: 01446 700111

E-bost: eco4@valeofglamorgan.gov.uk

Llofnod gorfodol y Prif Swyddog Gweithredol neu'r person cyfrifol penodedig

Bydd Cyngor **Bro Morgannwg** yn gweinyddu'r cynllun yn ôl Gorchymyn Trydan a Nwy (Rhwymedigaeth Cwmni Ynni) 2022 (Gorchymyn ECO4) a bydd yn nodi aelwydydd cymwys trwy broses gwneud cais Ofgem. Bydd Prif Swyddog Gweithredol y Cyngor yn goruchwyllo'r broses o nodi aelwydydd cymwys dan ECO Hyblyg.

Bydd y wybodaeth am gymhwysedd yn cael ei storio'n ddiogel yn unol â pholisi diogelu data'r Cyngor, Cod Rhannu Data Swyddfa'r Comisiynydd Gwybodaeth, a chanllawiau Diogelwch Ynni a Sero Net.

Llofnod:



Enw: Marcus Goldsworthy

Teitl y Swydd: Cyfarwyddwr Lle

Dyddiad y llofnod: 15/05/23

Am unrhyw ymholiadau cyffredinol sy'n ymwneud â'r DoF hwn, cysylltwch â eco4@valeofglamorgan.gov.uk